

新編古今事文類聚

三

新編古今事文類聚卷之三

建安祝

穆

和父編

今天道部

星

羣書要語

萬物之精上為列星說文星之為言精也陽之榮也陽精為日日分為星故其字日生為星春秋說

顯詳星者水之精也三五曆紀眾星浮生虛空之中其行其止

皆須氣焉晉書志山川精氣上為列星唐書善思傳星者散

也言列位布散也宋玉九辯文章昭回之光粲然如繁星麗天

而芒寒色正詩庶民惟星星有好風星有好雨月之從星則

以風中日經千解風多風保章氏掌天官以志日月星辰之變

動以觀天下之遷其吉凶以星土辨九州之地所封之域皆

有分星以觀其祥禮北斗七星第一天樞第一旋為魁第五

至望之為樞第二機第四權第五衡第六開第七搖光第八

一至四合為斗星陰布陽故稱北春秋運斗樞下六星兩兩

而此其曰三能三公名齊石臣和前律曆志文昌六星在北斗

魁前天之六府也主集司天道尚書出納王命敷奏萬機斯

乃文昌天府後百志狼北有大星曰老人星常以秋分之旦

見于南春分之夕没于北見則治平主壽昌天文志郎官上應

列宿後明紀景星者大星出狀如半月生於晦朔助月為明王

者不敢私人則見孫氏瑞應圖

古今事類

辨齊七政

舜在璿璣玉衡以齊七政

災惑守心

宋景公時災惑在心召子韋問焉子韋曰禍當君雖然可移於宰相公曰宰相所與治國家也曰移於民公曰民死寡人將誰為君曰可移於歲公曰歲饑民餓必死為人君而殺其民誰以我為君乎子韋曰君有至德之言三天必三賞其災惑必徙三舍行七星星當一年君延年二十一矣災惑果徙三舍呂氏春秋傳

星孛于辰

昭公十八年有星孛于大辰西及漢申須曰孛所以除舊布新也今除於火火出必布焉諸侯其有火災乎梓慎曰在宋衛陳鄭鄭裨龜言於子產曰宋衛陳鄭將同日火若我用壎擊玉瓚鄭必不火鄭人請用之子產不可曰天道遠人道迩非爾所及也龜焉知天道遂不與亦不火

五星聚東井

漢元年冬十月五星聚東井高祖紀注東井秦之分野五星所在其下當有聖人以義取天下

客星犯斗詳見八月門

夜觀星象

劉向晝誦書傳夜觀星宿上奏異消大異。或勸郭林宗仕對曰吾夜觀乾象晝察人事天之所廢不可支遂不應

使星入蜀

李郃好天文之術和帝遣使者觀風俗有二使向益州夏夕郃露坐問二人曰君發京師寧知二使何時發二人驚問曰何以知之公指星曰有二使星來向益部

德星聚

陳仲弓從諸子姪造荀季和父子于時德星聚太史奏五百里內有賢人聚

客星犯帝座 見潛龍故人門

五星聚奎

太祖乾德五年三月五星如連珠在降婁之次初嘗儀周顯德中嘗謂楊徽之等曰丁卯歲五星聚奎自此天下太平

古今文集

雜著

歲星居心頌

權德輿

皇上宅位六祀七政貞明於上七教敷聞於下其有不迪不吉不庭不若之徒皆薰然而和掩然而化春三月司天氏奏歲星居心宿五度其色黃明潤大光澤帝位積五十餘日詔下有司頒示中外故臣得而言之以形歌頌謹按歲星五帝為蒼五行為木五常為仁五事為貌天意若曰時以至仁為理覆露萬民浹洽生類協五行五事之用則發於星緯形於禎應陰陽大

卷三

三

化始報成功玄符幽贊其昭昭如是禮運之論聖人以日星為紀洪範之叙皇極曰欽時五福用敷錫厥庶民發於人格於天人交感合若符節其年秋平河中之寇葬其遺骸復其世祀班班右之師用弘文古用去武備此二帝三代所以恢令名也於是一統類以昭德明法制以塞違薦禮百神賔懷廣俗嘉瑞美祥紛委狎至置之而不有哲人端士連茹播職求之如已失然終端拱於穆清怡神於靖真驅一代為純誠接萬靈於明庭斯又登邁遠古光昭聞見魏乎紹天統物之盛者也微臣瑣賤沐浴仁聖敢獻歲星居心頌一章以備周詩由庚由儀之缺頌曰

皇矣上帝降鑒下人后王承之制作礼文人用明德家尚孝仁人无疵癘俗以阜蕃敷佑四方發為天祥重華煌煌乃居明堂下煦仁澤上為祥光回復感通天人攸同乃法五事乃建大中

君君臣臣德輝昭融保佑命之自天无窮微臣頌歌敬備唐風古詩

月夜觀星

隋煬帝

團團素月淨悠悠夕景清谷泉驚暗石松風動夜声披衣出荆戶躡履步山楹欣觀明堂亮喜見泰階平紫參猶可識牛女尚分明更移斗柄轉夜久天河橫徘徊不能寐參差幾種情

司天臺

白居易

司天臺仰觀俯察天人際羲和死來眈事察管不求賢空取藝昔聞西漢元成間下陵上替謫見天北極微暗少光色四星煌煌如火赤耀芒動角射三台半見半没中台圯是時非无太史官眼見心知不敢言明朝趨入明光殿唯奏慶雲壽星見天文時變兩如斯九重天子不得知不得知安用臺高百尺為律詩

星

李嶠

蜀郡靈槎轉豐城寶劍新將軍臨北塞天子入西秦未作三台輔寧為五老臣今宵潁川曲誰識聚賢人

風

羣書要語

巽為風易係天地之氣噓而成雲噫而成風輝雅四氣和為通正謂之景風南風謂之凱風東風謂

之谷風北風謂之涼風西風謂之泰風爾雅猛風曰颯涼風曰颯微風曰颯小風曰颯風俗通暴風從上下曰颯從下上曰颯亦曰扶搖迴風曰飄日出而風曰暴陰而風曰曠風而雨土曰霾尔雅春晴日出而風曰光風秋冬餘風曰緒風吹萬物有声曰籟終日風謂之終風尔雅大塊噫氣其名為風作則萬竅怒號莊齊物吹萬不同莊子風一西一東孰噓吸是孰披拂是天

子蓬蓬然起於南海而入於北海折大木蜚大屋者唯我能也
也 秋水飛廉風泊也 風師箕星也 風俗通 飛廉神禽能致風氣
氏 飛廉注 飛廉鹿身頭如雀有角而蛇尾豹文 晉灼注 鵬之徙
于南溟也 搏扶搖羊角而上者九萬里 逍遙篇 太平瑞應五日
一風風不鳴條 船趕風吳中梅雨既過颯然清風弥旬歲
歲如此潮人謂之船趕風是時海船初回云此風自海上與船
俱至 謝坡集

古今事考

舜歌南風

舜作五弦之琴歌南風之詩

雷電以風

周公卷東二年天大雷電以風禾盡偃大木斯拔成王啓金縢之書迎周公天乃反風禾盡起

六鷁退飛

僖十六年六鷁退飛過宋都風也

風乎舞雩

曾點曰暮春者春服既成冠者五六人童子六七人風乎舞雩詠而歸

御風而行

列子御風而行泠然旬有五日而後返 莊子

麥居占風

海鳥爰居止於魯國東門之外三日展禽曰今其有災乎是歲也海多大風 國語

大風揚沙

項王圍漢王三匝於是大風從西北來折木發屋揚石楚軍大亂漢王乃得與數十騎遁去

畏風怯寒

滿奮畏風在晉武帝坐北牕作琉璃屏實密似踈奮有寒色奮曰臣猶吳牛見月而喘世語

以鵲占風

孝武坐未央前殿天新雨東方朔屈指獨語上問之對曰殿後柏上有鵲立桂枝上東向而鳴視之果然問朔何以知之對曰此以人事知之風從東方來鵲尾長傍風則順背風則蹶必當順風而立是以知也朔傳

占少女風

管公明傳時大旱有問何當雨言今夜當大雨至日向暮了無雲氣衆人並欲唾公明公明言樹上已有少女微風樹間陰鳥和鳴若少女反風陰鳥亂翔其雨至矣須臾玄雲四集大雨河傾

巽二起風

蕭至忠為晉州刺史欲獵有樵者於霍山見一長人俄有虎兕鹿豕狐兔雜而至於長人曰余九真使者奉北帝命蕭君畋汝輩若下今獲之共于合其死有老嫗出膝求救使者曰東谷嚴四善課試為志計群獸於行然者覬之曰至深巖有茅堂黃冠一人老嫗哀請黃冠曰若令騰六降雪巽二起風即蕭使君不出矣群獸散去翌日未明風雪大作竟日蕭果不出幽怪錄

封十八姨

崔元微月夜見青衣女伴曰楊氏李氏陶氏文緋衣小女曰石醋報封家十八姨來言辭必公有林下風色皆殊絕芳香襲人醋口女伴在苑中每被惡風相撓常求十八姨相庇處士每歲旦作一幡上圖日月五星立苑東則免難矣今歲已過此月二月一日立之其日立幡東風刮地折木飛花而苑中繁花不動

崔乃悟女伴即衆花之精封家媿乃風神也後楊氏輩來謝各
裹桃李花數斗云服之可以却老某等亦長生至元和中元微
猶貌若少年亦一異也傳異記

占風鐸

唐岐王宮於竹林內懸碎玉片每夜聞相觸之聲即知有風號
占風鐸開元遺事

竿旌風候

五王宮中各立長竿挂五色旌於竿頭候之四垂綴以金鈴有
聲即往視旌之所向可以知四方風候開元遺事

羊角旋風

熙寧九年恩州武成縣有旋風自東南來望之挿大如羊角大
木盡拔俄頃旋風卷入雲霄中既而漸近乃經縣城官舍民居
畧盡悉卷入雲中縣令曰女奴婢卷去後墜地死傷者數人民

間死傷亡失者不可勝計縣城悉為丘墟遂移今縣筆談

古今文集

雜著

風賦

宋玉

楚襄王遊於蘭臺之宮宋玉景差侍有風颯然而至者王乃披
襟而當之曰快哉此風寡人所與庶人共者邪宋玉對曰此獨
大王之風耳庶人安得而共之王曰夫風者天地之氣溥暢而
至不擇貴賤高下而加焉今子獨以為寡人之風豈有訟乎宋
玉對曰臣聞於師枳句曲來巢空穴來風其所託者因也然則
氣與風殊焉王曰夫風始安在哉宋玉對曰夫風生於地起於
青蘋之末浸淫溪谷盛怒於土囊之口緣於太山之阿舞於松
柏之下飄忽湘滂激揚漂怒眩雷聲迴穴錯迂蹙石伐木梢
殺林莽至其將衰也被麗披離衝孔動樅响渙燦爛離散轉移

故其清凉雄風則飄忽升降乘凌高城入于深宮邱也鬱葉而振氣徘徊於桂椒之間翔於激水之上將擊芙蓉之精獵蕙草離秦蘅繁新夷被稊楊迴穴衝陵蕭條衆芳然後倘伴中庭北上玉堂躋于羅帷經于洞房乃得為大王之風故其風中人狀直慄慄淋淋清涼曾秋清冷冷愈病析醒發明耳目寧體便人此所謂大王之雄風王曰善哉論事夫庶人之風豈可聞乎宋玉對曰夫庶人之風壅然起於窮巷之間堀堞揚塵勃鬱煩冤衝孔襲門動沙塹吹死灰駭溷濁揚腐餘邪溥入甕牖至於室廬故其風中人狀直慄溷鬱邑毆溫致濕心中慘怛生病造熱中唇為胗得目為曠啗齧嗽獲死生不卒此所謂庶人之雄風也

颶風賦

蘇叔黨

南越志熙安間多颶風颶者具四方之風也常以

事文二

五六月發未至時雞犬爲之不寧又嶺表錄云秋夏間有暈如虹者謂之颶母必有颶風

仲秋之夕客有叩門指雲物而告予曰海氛甚惡非侵非祥斷霓飲海而北指赤雲夾日而南翔此颶之漸也子盍備之語未卒屏戶肅然檣葉瑟瑟驚鳥疾呼怖獸辟易忽野馬之決驟矯退飛之六鷁襲土葉而暴怒掠衆數之叱吸予乃入室而坐欵衽变色客曰未也此颶之先驅爾少焉排戶破牖殞瓦擗屋礮擊巨石揉拔喬木勢翻渤澥響振坤軸疑屏翳之赫怒執陽侯而將戮鼓千尺之清瀾翻百仞之陵谷吞泥沙於一卷落崩崖於并觸列万馬而並驚會千車而爭逐虎豹讐駭鯨鯢奔蹙類巨鹿之戰殷雷呼之動地似昆陽之役舉百万於一覆予亦爲之股慄毛聳索氣側足夜拊榻而九徙晝命龜而三卜蓋三日而後息也父老來唁酒漿羅列勞來僮僕懼定而說理草木之

既偃輯軒檻之已折補茅屋之罅漏塞墻垣之隕缺已而山林
寂然海波不興動者自止鳴者自停湛天宇之蒼蒼流孤月之
熒熒忽悟且嘆天知所營嗚呼小大出於相形憂喜因於相遇
昔之飄然者若為巨耶吹焉不同果足怖耶蟻之緣也吹則墜
蚋之集也呵則卒夫噓呵嘗不能以振物而施之二虫則甚懼
鵬水擊而三千搏扶搖而九萬彼視吾之惴惴亦爾汝之相莞
均大塊之噫氣矣仁細之足辨陋耳目之不廣為外物之所變
且夫萬象起滅發恠耀眩求髮髯於過耳視空中之飛電則向
之所謂可懼者是耶虛耶惜吾知之晚也

清風閣記

蘇子瞻

文慧大師應符石成都上為閣曰清風以書來求文為記
五返而益勸余不得已戲為浮屠語以問之曰符而所謂身者
汝之所寄也而所謂閣者汝之所以寄所寄也身與閣汝不得
有而名焉一而名猶無所施而安則記乎雖然吾為汝放心遺
形而強言之汝亦放心遺形而強聽之木生於山水流於淵山
與淵且不得有而人以為己有不亦惑與天地之相磨虛空與
有物之相推而風於是為生執之而不可得也逐之而不可及
也汝為吾至而以名之言之為汝記之不亦大惑歟雖然世之
所謂已自而不惑者其與是奚辨若是而可以為有邪則雖汝
之有是風可也雖為居室而以名之吾又為汝記之可也非惑
也風起於蒼茫之間彷徨乎山澤激越乎城郭道路虛徐演泮
以汎泆之軒窗欄楯曠惟而不去也汝隱几而觀之其亦有得
乎力生於所激而不自為力故不勞形生於所遇而不自為形
故不窮嘗試以是觀之

迎薰堂記

馬子才

元祐二年春三月馬子與二三子客於程氏堂程氏觴客酒半

酣道古今治亂成敗事慘戚不樂有風生於簷戶間飄人襟裾已而入肌骨蕩滌腸胃胃中之感拂不平者不覺散失起視萬物欣欣熙熙如春臺之人有喜笑色乃竅起音如歌詠太平之声長枝牽柔婉曼婀娜如程羽庭佾舞蹈盛德客曰異哉是風何氣也馬子曰噫嘻嗟嗟此南風也遼乎邈哉曠數百千歲有時乎一來今其時乎吾試為客歷古以數幾年幾何時乃一來今幾來矣吾聞舜孝格天五帝之上微動帝指拂拂以起被動植魚鼈咸若湯之時吹雲橫霄沛作霖雨掃滌八載之孽而吾民俟蘇文武成康酣和塞周飄然自阿敷及路耒使天地祖考安樂福祿漢孝文時吾民阜財國亦富實大倉中都之儲者不可勝計唐太宗正觀之間與三代同其和年穀屢登行旅不艱外戶不閉斷獄希少幾至刑措宋受天命驅逐羣陰聖子神孫保養休息吾聞間數十世聖人必興是風必來若合符矣禍災愁愠之氣立以滅息而生氤氲五百歲至於湯湯五百歲至於周周九百餘歲至于漢漢八百餘歲至於唐唐三百餘歲至于宋自舜迄今二千三百餘歲矣是風也凡六來非此六時其風中人狀直淒淒者物顏色零落顛頽吾與客今日之所遇何茲其幸歟客於是名其堂曰迎薰而馬子記之

卷之六十三

十

大風歌

漢高帝

大風起兮雲飛揚威加海內兮歸故鄉安得猛士兮守四方

律詩

風

李嶠

落日生蘋末搖颺徧遠林帶花疑鳳舞向竹似龍吟月動臨秋扇松清入夜琴蘭臺宮殿峻還拂楚王襟

次韻耿天隲大風

王介甫

雲埋月缺暈寒灰颯發齊如巨象
颶辯縱勇万川冰柱立紛披
千嶂土囊開魯門未恠爰居至
鄭圃何妨禦寇來終夜不眠誰
與共坐忘唯有一顏回

雲

羣書曼語

雲山氣也說文雲之為言運也觸石而起謂之雲

春秋談顯

雲師謂之豐隆廣雅離騷云吾令豐隆

礫雲兮求宓妃之在下注豐隆雲師一曰雷師五臣曰雲師屏翳按豐隆或曰雲師或曰雷師屏翳或曰雲師或曰雨師或曰風師歸藏云豐隆筮雲氣而告之則雲師也穆天子傳云天子升崑崙封豐隆之葬郭璞云豐隆筮師御雲得大壯卦遂為雷師按楚詞則以豐隆為雲師飛廉為風伯屏翳為雨師同上慶雲曰景雲或曰卿雲雲外赤內青謂之商飈以雲曰油雲雪雲

事之二

十一

曰同雲西京雜記天降時雨山川出雲禮記雲從龍乾卦坎為

雲易山雲蒸社礎潤淮南子山雲草莽水雲魚鱗旱雲煙火泐

雲波水淮南子若煙非煙若雲非雲郁郁紛紛蕭索輪困是謂

卿雲卿雲之見喜氣也史天官書觸石而出雲膚寸而合不崇

朝而徧雨乎天下者惟泰山耳注側手為膚按指為寸公羊傳

金柯分玉葉散陸機浮舒則彌綸覆四海卷則消液入無形成

公綏賦暴風之後有砲車雲國史補

詩句玄雲起高岳然朝彌八方魏劉楨天上浮雲如白衣斯須

改變成蒼狗杜可勉晴雲如擘絮韓詩今日江頭天色惡礮車

雲起風欲作坡詩西北有浮雲亭亭如車蓋魏文帝日暮碧雲

合佳人殊未來選

古今事實

以雲紀官

黃帝以雲紀官故為雲師而雲名左傳

帝鄉乘雲

華封人謂堯曰夫聖人鷦居而穀食天下有道與物皆昌乘彼白雲至于帝鄉又曰乘雲氣御飛龍而遊乎六合之外蓋神人者乘虛不墜觸實不礙故能狎虎兕貫金石乘雲霧而浮游如此莊子

雲如赤鳥

哀六年吳伐陳楚子救陳將戰王有疾庚寅卒于城父是歲也有雲如衆赤鳥夾日以飛三日楚子使問周太史周太史曰其當王身乎若祭之可移於今尹司馬王曰除腹心之疾而責諸股肱何益不祭不有大過天其舍諸有罪受罰又烏移之遂弗祭

辨五心雲

卷之三

十二

周保章氏以五雲之物辨吉凶水旱豐衰之候齊書注二分二至觀雲氣青為蟲白為喪赤為兵黑為水黃為豐

所居有雲

漢高祖隱於芒碭山澤間呂后與人俱求常得之高祖恠問后曰季所居上常有雲氣

白雲孤飛

狄仁傑登太行山反顧見白雲孤飛曰吾親舍其下瞻悵久之

古今文集

律詩

絕句

陶洪景

山中何所有隴上多白雲只可自怡悅不堪持寄君

孤雲

干鄴

南北各萬里有雲心更閑因風離海上伴月到人間洛浦少高

樹長安无舊山徘徊不可駐漢二又東還

雲

李嶠

英二大梁國郁二必書臺碧落從龍起青山觸石來官名光遠
古蓋影耿塵埃飛感高歌發威加四海回

雲

崔塗

得路直為霖濟物不然閑共鶴忘機无端是向陽臺畔長送裴
王暮雨歸

雲

齊已

倚峯觸石濕苔錢便逐高風離瀑泉深處卧來真隱逸上頭行
去是神仙千尋有影澗江底萬里无蹤碧落邊長憶舊山青壁
裏遶菴開伴老僧禪

雲

辛寅遜

因登巨石知來處勃二元生綠蘚痕靜即等閑藏草木動時頃
刻遍乾坤橫天素必朋元惡捧日還曾瑞至尊不獨朝二在巫
峽楚王何事謾勞魂

雲

韓琮

深惹離情霽洛暉如車如蓋早依二山頭觸石應長在天際從
龍目不歸真向隙窺籠夜月好來仙洞濕行衣春風淡蕩无心
後見說裝王夢亦稀

霧

羣書要語

騰水上益故為霧莊子霧冒也氣蒙覆物也釋名
九重霧三日必大雨二未降其霧不可冒行也帝

王世紀地氣發天不應曰霧二謂之晦尔雅陰陽之氣亂則霧
魯子云十月癸巳霧赤為兵青為殃望氣經二精霧集世書

詩句霧是山中子瓶為水靴鞋世要真言包賀

蚩尤作霧

黃帝與蚩尤戰於涿鹿之野蚩尤作大霧崔豹古今注

玄豹澤霧

陶答子妻者陶大夫答子之妻也答子化陶三年名譽不與家產三倍其妻數諫曰夫子能薄而官大是謂嬰害无功而家昌是謂積殃今夫子貪富圖大不顧後害妾聞南山有玄豹霧雨七日不下食者何也欲以澤其衣毛而成其文章故藏以避害今君與此背不无後患乎刘向列女傳

大霧三日

漢高困於平城之圍大霧三日

三人霧行

王肅張衡馬均俱冒重霧行一人無恙一人病一人死問其故

无恙者曰我飲酒病者飽食死者空腹博物志

黃霧四塞

西漢王氏五侯俱封其日黃霧四塞終日

作五里霧

裴楷字公超性好道術能作五里霧時關西人裴優亦能作三里霧後漢書

樂巴霧失

樂巴為尚書忽一旦天大霧對坐不見故失巴所在尋問之巴其日還都神仙傳

立成雲霧

東海黃公立成雲霧文選注蜀都鄧公呼吸成霧同上

霧迷失道

曹公赤壁敗行雲夢大澤中遇大霧迷失道路

大霧晝昏

天寶霧昏暗十步外不見人是謂晝昏六帖

古今文集

古詩

凌霧行

韋應物

秋城海霧重
戢事凌晨出
浩二會元天溶
二洒明日繞看
含鬢白稍見沾衣
密導騎全不分
郊樹都如失
乘微誤嘔吸
膚腠生寒栗
當歸飲一盃
庶用蠲此疾

律詩

霧

梁元帝

三晨生遠霧
五里暗城闌
從風疑細雨
映日似遊塵
乍若飛煙散
時如佳氣新
不妨鳴樹鳥
能蔽摘花人

行舟值早霧

梁伏挺

水霧雜山煙
冥二不見天
聽猿方村岫
聞瀨始知川
漁人惑隩浦
行舟迷沂泂
日中氛霧盡
空水共澄鮮

霧

蘇味道

氤氳起洞壑
遙裔匝平疇
乍似含龍劍
還疑映蜃樓
拂林隨雨密度
洵帶煙浮方
謝公超步終
從彥輔遊

霧

李嶠

曹公迷夢澤
漢帝出平城
涿野妖氛靜
丹山霽色明
類煙飛稍重
方雨散還輕
儻入非熊繇
寧思玄豹情

新編古今事文類聚卷之四

建安祝穆和父編

天道部

雷 電附

羣書要語

陰陽相薄感而為雷激而為霆淮南子疾雷下及掩耳同上疾雷為霆尔雅雷天之鼓抱朴子豐隆

雷師見雲門仲春之月日夜分雷乃發声仲秋之月雷乃收声

月令雲雷屯君子以經綸 雷在地中復 震來虩虩 震驚百

里 天地解而雷雨作 雷雨作而百果草木皆甲坼 動万

物者莫疾於雷 鼓之以雷霆潤之以風雨 雷風相薄並易

隱其雷在南山之陽詩虩虩其雷終風疾雷破山莊子霆声發

榮前礼樂志雷填々兮雨具々楚辭雷二月出地百八十日雷

出則万物出八月入地百八十日雷入則万物入入則除害出

則與利人君之象也王充論衡春夏之有雷霆也或發而震破

巨石裂大木而殘之草木豈有非常之罪哉彼豈有懲於物也

柳文無雷同雷霆百里謂世言垂龍苦於行雨而多竄匿為雷

神捕之或在古木及簷楹之內北夢瑣言

詩曰雷霆空霹靂杜雲雷驅號令杜

電謂之雷光五經通義仲春始電月令燁々震電詩雷電噬

嗑易電以為鞭策雷激氣也陰氣伏於黃泉陽氣上通於天陰

陽分爭故為電莊子怒天特之代序考耀靈畢而西征靈時電

列缺曄其照夜應劭曰列缺天凌驚雷之硠苦磔苦兮弄狂電

之淫齋思文賦陰陽相薄為雷激揚為電淮南子擊電无停光

公孫子吳武陵曰雷砭電射天怒也不能終朝唐藝文志驚蟄

虫於始作李願雷賦有声曰雷無声曰電公羊月支猷猛獸

兩目如天礮先念礮徒念反之炎光太平黃記

詩句 電尾燒空黑雲脚飛銀線韓渥詩 電光時掣紫金蛇東坡
驚電夜舒光陸士遜

古今事考

阿香

義興人姓周永和中出都日暮道邊新草小屋有一女子出門望見周曰日已暮周求寄宿向一更中聞外有小兒喚阿香官喚汝推車女子併去忽驟雷雨明朝視宿處乃一新冢搜神記

謝仙

大中祥符間岳州玉真觀為天火所焚惟留一柱有謝仙火三字倒書而刻之慶曆中有以此字問何仙姑者輒曰謝仙者雷部中鬼夫婦皆長三尺其色如玉掌行火於世間後有聞其說於道藏中檢之實有謝仙字由是益以仙姑為真仙矣

十一事六四

雷形

雷州春夏多雷秋日則伏地中其狀如異人取而食之國史補

雷鼓

雷之狀纍纍如連鼓形又圓一人若力士謂之雷公使之左手引連鼓右手推之論衡

雷車

柳公權元和末止建州山寺中夜半竟門外喧闐因潛於窻中觀之見數人運斤造雷車如畫圖者父之一嚏氣忽斗暗失其人兩目遂昏焉酉陽雜俎

雷斧

出人有得雷斧雷楔者云雷神所墜多於震雷之下得之而未嘗親見元豐中予居隨州夏月大雷震一木折其下乃得一楔信如所傳凡雷斧多以銅鐵為之楔乃石耳似斧而无孔筆談

雷神

楊道和夏於田中值雷雨至桑下霹靂下擊之道和以鋤格其
肱遂落地不得去色如用目如鏡毛角長二尺餘狀如六畜頭
似獼猴搜神記

雷火 以上係雷之妙用

內侍李舜舉家曾為暴雷所震其堂之西室雷火自窓間出赫
然出磬人以為堂屋已焚皆出遊之及雷止其舍宛然墻壁窓
紙皆黔有一木格其中雜貯諸器其漆器銀鈔者銀悉鎔流在
地漆器曾不燒灼有一寶刀極堅鋼就刀室中鎔為汁而室亦
儼然人必謂火當先焚草木然後流金石今乃金石皆鏤而草
木無一燬者非人情所測也筆談

震夷伯廟

雷震夷伯之廟罪之也於是夷氏有隱慝焉

雷震陵寢

後漢建和中雷震憲陵寢室是時梁太后兄莫用事

母畏雷震

蔡順母平生畏雷自下後每有雷震順輒環泣曰順在此

倚柱遭震

夏侯恭初倚柱作書時霹靂破柱衣服焦然神色無變書亦如
故賓客左右皆跌蕩不能住世說

方食失匕

先主與曹公詔會雷大震先主方食失匕箸曰一震之威乃至
此華陽國志

借車收麥

李鄴在北都介休百姓送解牒上宿祠宇下夜有人扣門云介
休王暫借霹靂車至介休收麥良久數人共持一物如幢上綴

旗幟其幟九十八葉有光如電以授之次日介休大雷雨損麥千餘頃曹陽雜俎

迅雷震樹

劉曜從劉元海獵于四山遇雨止樹下迅雷震樹旁人莫不顛仆曜神色自若元海異之曰此吾家千里駒也

震人書背

長慶中有人雷震而死背上粉書云市中用小斗李用晦芝田錄

雷電取書

上元中台州一道士王遠知善易知人生死禍福作易摠十五卷一日因暴風雷雨忽至暝霧中一老人叱曰所泄者書何在上帝令吾攝六丁雷電取將文書龍城錄

震屋龍出

吳柴再用為九州一日大震雷家人皆伏匿再用當尸坐不動俄見有襦袴四人昇拜用坐殿床出庭中復大震屋折有龍出九國志

擊焚黨碑

宣和殿所立元祐黨碑一夕大風雨為震雷擊碎步里客談

問雷起處

邵子謂程子曰子知雷起處乎子曰其知之堯夫不知也堯夫愕然曰何謂也子曰既知之安用數推之以其不知故待推而後知堯夫曰子以為起於何處子曰起於起處堯夫矍然稱善語錄

電繞樞星見誕聖門以下係雷

陽氣失節

魯隱公九年大雨雷電注此陽氣失其節公羊

天笑為雷

天公与玉女投壺臬而脫誤不接者天爲之笑所以爲電神傳

古今文集

雜著

上天散文

桂浩文粹

雷車翼二六合喧吼驟風雨於南極族星雲於北斗蹙東海以波瀾擺太山而瓜剖玉石至堅切如泥溲松柏至勁粉爲枯朽鼉皮擊考而魑魅睽睽龍顏舐觸而鯨鯢奔走陶鑄造化之鑪而鴻毛乃像軒連乾坤之拙而嬰孩群有由是言則九鼎瑣細三山培塿蕪鼎可以指揮蓬萊可以背負殊不測離蒼天之遠近當其驚魂在玄雲之幾重徒來矯首及夫白日兩歇長虹零後列缺綏靈玄冥假手蓄殘怒之未洩聞餘音之良久而小子之繆等敢獻疑於座右今若爲善惡之主宰操賞罰之休咎胡不扶持顏閔之羶行天闕踞躅之龜壽罪一亂百懲天下之凶醜旌一孝行激天下之悌友法高懸於堯典刑不試於周后何必靈靈潛窟之龍養育吠堯之狗

子文四

五

震擊不善

問人有不善霹靂震死莫是人懷不善之心聞霹靂震而死然否伊川曰不然是雷震之也如是雷震之還有使之者否曰不然人作惡有惡氣与天地之惡氣相擊搏遂以震死霹靂天地之怒氣也如人之怒固自有正然怒時必爲之作惡是怒亦惡氣也怒氣与惡氣相感故尔曰雷所擊處必有火何也曰雷自有火如鑽木取火如使水中有火豈不燒了木蓋是動極則陽生亦自然之理語錄

論造化之迹

胡明仲

或謂雷霆何爲而然者有形耶有神耶曰古人未之言也然先達大儒亦嘗明其理矣蓋天地之間无非陰陽聚散闔闢之所

爲也可以神言不可以形論非如異季所謂龍車石斧鬼鼓火鞭作誕之難信也故其言曰陰氣凝聚陽在內而不得出則奮擊而爲雷霆雖聖人復起不能易矣其聲陽也光亦陽也光發而聲隨之陽氣奮擊欲出之勢也電緩小則震亦緩小雷迅大則震亦迅大震電交至見必有雨震而不電二而不震則无雨由陰氣凝聚之有跡緩迅密也曰壯人所得雷奔者何物也曰此猶星墮而爲石也本乎天者氣而非形偶墮於地則成形矣然而不迅然也曰雷之破山壞厝折樹殺人者何謂也曰先儒以爲陰陽之怒氣也氣鬱而怒方尔奮擊偶或值之則遭震矣然而不迅然也曰雷之閃錄激疾如金蛇飛騰之狀何謂也曰光之發也惟光尔適映雲際則如是不當乎雲之際而在同雲之中則无此矣凡天地造化之迹苟不以理推則必入于幻恠誕僞之說而終不能明故君子窮理之爲要也晉見

律詩

雷公

韓偓

閑人倚柱笑雷公又向深山霹靂松必若有蘇天下意何如驚起武侯龍

天目山不聞雷震

蘇子瞻

已外浮名更外身區區雷電若爲神山頭只作嬰兒看无限人間失著人

冬乾

朱喬年

陌上冬乾泣老農天留甘雨付春工阿香急試雷霆手莫放人間有卧龍

壬子聞迅雷有感

朱元晦

誰將神斧破頑陰地裂山開鬼失林我願君王法天造早施雄斷答群心

虹蜺

羣書要語

虹陽氣之動也虹攻也純陽攻陰之氣也釋名蜺

虹雌曰蜺舊說虹常雙見鮮盛者雄其闇者雌也一曰赤白色

謂之虹青白色謂之蜺釋雅今俗謂虹為虹音絳一名蜺煉說

文虹蜺者陰陽之精又曰陰陽交為虹蜺元命苞天二氣則成

虹遙南子日旁氣白者為虹考靈羅陽多陰為虹莊子季春之

月虹始見孟冬之月虹藏不見月令虹蜺也陰陽交接之氣

著於形色者也常依陰雲而晝見於日衝元雲不見太陰亦不

見率以日西見於東方蔡邕月蜺煉在東莫之敢指詩蜺霓連

蜺居賦約若大旱之望雲霓孟子

古今事實

四十一 卷四

七

白虹貫日

唐睢謂秦王曰聶政刺韓傀白虹貫日戰國策

荆軻為燕太子謀刺秦王精誠感天白虹貫日列士傳

天投蜺

靈帝時有黑氣墮北宮温明殿東庭中黑如車蓋騰起奮迅長

十餘丈其貌似龍上問蔡邕對曰所謂天投蜺也後漢五行志

虹飲其金

晉陵薛願義熙初有虹飲其金翁響便竭願輦酒灌之隨咽便

吐金滿器於是災弊日杜而豐富歲臻劉敬升異苑

古今文集

雜著

暈日而成

先儒以為雲薄漏日日照雨滴則虹生今以水灑日自側視之

則暈為虹蜺然則虹雖天地淫氣不暈於日不成也故今兩氣成虹朝陽射之則在西夕陽射之則在東侯鯖錄

入澗飲水

世傳虹能入溪澗飲水信然嘗見夕虹下澗中飲者兩頭皆垂澗中使人過澗隔虹對立相去數丈之間如隔綃縠自西望東則見立澗之東向西則為日光所燦筆談

霜

露附

羣書異語

魏早霜也皚霜之白者又有玄霜說文至秋三月首女乃出降以霜雪青女乃天神清天玉女司霜雪者淮南子季秋之月霜始降則百工休月令霜降之日豺乃祭獸月令駟見而霜墮霜陰陽之氣也陰氣勝則凝而為霜大戴禮履霜堅冰至象曰陰始凝也易霜露既降君子履之必有悽愴之心非其

寒之謂也禮記蒹葭蒼々白露為霜詩霜以殺木露以潤草春

元祐九月南霜詩正月繁霜我心憂傷幽王詩王者政令苛則夏下霜誅伐不行則冬霜不殺草春秋感精符豐山有九鍾霜降而自鳴山海經北方白馮秋深乃來來則霜降謂之霜信古今詩話

詩曰十畧岷山為三霜楚戶砧杜鴛鴦瓦冷霜華重白

露陽氣勝則散為雨露大戴禮甘露降者老得敬則松柏受之尊賢容眾則竹葦受之甘露者仁澤也其凝如脂其美如飴一

名天酒晉中興書朝飲木蘭之墜露楚辭春食朝霞朝霞者日始欲出赤黃氣也秋食淪陰淪陰者日沒以後赤黃氣也冬

飲沆瀣沆瀣者北方夜半之氣也夏食正陽正陽者南方日中氣也並天地玄黃之氣是為六氣也陵陽子色黃曰爵錫天官

書蟬飲露見蟬門鶴警露見鶴門

詩句 玉露溥清影

霜不殺草

董公二年十月墮霜不殺草為嗣君微失秉事之象也

霜殺草木

漢武帝元光四年墮霜殺草木自是征伐四夷師出三十餘年
本紀

霜殺桑稼

元帝永光元年三月墮霜殺桑 九月二日墮霜殺稼天下大
飢是時石顯用事

盛夏降霜

鄒衍事燕惠王左右譖之被繫於獄仰天而哭盛夏為之降霜
江淹曰賊臣叩心飛霜擊於燕地淮南子

零露之燕見御燕門以下係露

子文四

九

行露聽訟

行露召伯聽訟也厭浥行露豈不夙夜為行多露

宮露沾衣

子胥諫吳王怒暮端子胥衣群臣曰宮中无泥露相君衣衣
行高何為子胥曰吾以越諫王不聽吾恐宮中生荆棘露沾吾
衣吳越春秋

園露沾衣

吳欲伐荆舍人孺子欲諫懷彈於後園露沾其衣王曰何苦露
沾衣曰臣捕黃雀不覺露濕衣劉向說苑

仙掌承露

漢武帝承露盤上有仙人掌承露和玉屑飲之金盃銅柱

甘露降祥

漢宣帝詔勉者甘露降未央宮其赦天下

晨吸花露

太真妃猶酒初消苦肺熱晨遊後苑口吸花露以潤肺 關元遺

古今文集

雜著

霜瓦成花

宋次道春明退朝錄言天聖中青州盛冬濃霜屋瓦皆成百花之狀此事五代時亦嘗有之慶曆中京師集禧觀渠中冰皆成花果林木元豐末予到秀州人家屋瓦上冰亦成花每瓦一枝正如畫家所為折枝有大花似牡丹芍藥者細花如海棠萱草者皆有枝葉無毫髮不具氣象生下雖巧筆不能為之以紙塌之無異石刻筆談

律詩

詠霜

蘇味道

金祇暮律及玉女暝氛歸孕冷隨鍾徹飄華逐劍飛帶日停寒景乘風進曉威自存貞筠質寧將庶草腓

雜著 以下係露

甘露降松

熙寧六年冬建昌軍城北五里間甘露降於進士徐上交別業松上濃厚如酒澤其味甜香上交折松枝獻於太守張子方時有野人賣藥於市語人曰吾嘗客華陰縣民亦有以甘露降告縣者縣令因自出按之有道人笑曰譬如人身精液流通均布六七十年中若其壽短促則涌併於未死之前矣此木蓋將槁故耳官人不信請留我以待明春此松必不復榮也縣令如其說果驗焉 漁隱

古詩

詠露

李正封

霏霏靈液重雲表
无声落露樹急玄蟬
洒池凄皓鶴流塵清遠
陌飛月澄高閣宵潤玉堂
簾曙寒金井索佳人比珠
淚坐感紅綃薄

律詩

露

本端

滴瀝明花苑
歲凝泣竹叢
玉垂丹棘上
珠湛綠荷中
夜警千年鶴
朝零七月風
願凝仙掌向
長奉未央宮

雪

霽附

羣書要語

雲霧雨之微也
夏則為露
冬則為霜
溫則為雨
寒則為雪
雨霧凍凝者皆由地發
不從天降
論衡九章亦花名
五山雪花猶六出
雪花曰霰
雲曰同雲
韓詩外傳霜雪大擊
海也
正月三白
田公笑赫
西北人諺曰要宜

麥見三白
朝野載太平之代
雪不封條
凌弭毒害而已
西京雜記
增冰峨二飛
雪千里
地尺為大雪
左傳上天同雲

雨雪霽二詩
雨雪濼二見
晁曰消詩
今我來斯
雨雪霽二詩
重雪終日
玉地
掩心
詩元典序

詩句
天人帝心
飛花飛
逐微風起
惟言飛玉塵

韓愈
燕山雪花大如席
大似落
密如飄
玉屑
白樂天

河南二三月
雪花一尺圍
韓到江還
作水著樹
漸成花
斜侵

潘岳
鬢橫上季良眉
戰返
玉龍三百萬
敗鱗殘甲
滿天飛
天聖間張元

霰霽
雨與雪雜
下曰霰
雅陰陽相脅
而霽霰盛
陰雨雪凝滯

而水寒
陽氣薄之
不相入則散
而為霰
盛陽雨水溫
暖而湯熱
陰氣脅之
不相入則轉
而為霽
霽者陽脅陽也
霽者陰脅陽也

行轡五 電雨雪也從兩包說文相彼雨雪先集推霰詩曾子曰陽之專氣為電陰之專氣為霰大戴禮

古今事實

賦黃竹詩

穆天子傳曰丙辰天子游黃臺之丘獵於華澤有降雨天子乃休日中大寒北風雨雪有凍人天子作黃竹詩三章以哀之曰皇我万民旦夕勿忘

雪寒賑窮

昔衛君重裘累茵而坐見路有負薪而哭之者問曰何故也對曰雪下衣薄是以哭之於是衛君惧見於顏色曰為君而不知民孰以我為君於是開府金出倉粟以賑貧窮

東郭履穿

東郭先生衣弊履不完行雪中履有上无下足尽踐地史

文

雪寒墮指

漢高帝自將兵擊匈奴冬大寒雨雪交下之墮指者十二三傳

鳥獸凍死

漢元封二年大雪深一丈野中鳥獸皆死牛馬踠縮如蜩

蘇武齧雪

蘇武傳單于幽武置大窖中絕不與飲食天雨雪武卧齧雪與旃毛并咽之數日不死匈奴以為神

謝女詠雪

謝安雪日內集兒女講論文義俄而雪驟公欣然曰白雪紛何所似兄子初兒曰散鹽空中差可擬兄女曰未若柳絮因風起公大笑為樂兄女道蘊王凝之妻也世說

雪夜訪戴

王子猷居山陰大雪夜眠齋開室酌酒四望皎然因起彷徨詠

左 招隱詩忽憶戴安道時戴在剡溪即便夜乘輕船就戴經宿方至既造門不前便返人問其故王曰吾本乘興而行興盡而返何必見安道耶

木屑布地

陶侃元會大雪始晴聽事前猶濕於是以前掌木屑布地

袁安卧雪

大雪丈餘洛陽令身出按行見民家皆除雪出至袁安門无有行路謂安已死令人除雪入戶見安僵卧問何不出安曰大雪人皆餓死不宜干人 錄異錄

滕六降雪

晉州蕭刺史至忠將以臘日畋游有樵者於霍山見一老麋哀請黃冠者黃冠曰若令滕六降雪異二起風即蕭君不復獵矣薪者回未明風雪竟日蕭刺史竟不出 幽怪錄

文

十三

雪夜平蔡

李勣入蔡夜半至懸弧城雪其城旁皆鵝驚池勣公擊之以亂軍聲

掃雪迎賓

巨豪王元寶母大雪則自所居至坊巷口掃雪開筵迎揖賓客飲宴謂之暖寒會 天竺遺事

王恭被斃

王恭嘗被鶴氅涉雪而行孟昶窺見之曰此真神仙中人也

驢上吟詩

或問鄭絮詩思對口詩思在灞橋雪中驢子上

幸大臣第

太祖一日大雪夜叩趙普門曰已約晉王已而太宗至設重茵地坐識炭燒肉普妻行酒帝以嫂呼之帝曰吾睡不着一榻

之外皆他人家也故來見卿遂定下江南之策

雪水烹茶

陶穀學士買得党太尉家妓遇雪陶取雪水烹團茶謂妓曰党家應不識此妓曰彼麗人安有此但能於銷金暖帳中淺斟低唱喫羊羔兒酒陶默然慙其言

雪寒侍立

侯師聖云游楊初見伊川伊川瞑目而坐二子侍立既覺顧謂曰賢輩尚在此乎日既晚且休矣及出門門外之雪深一尺

雹不為災以下係雹

昭四年大雨雹季武子問申豐曰雹可禦乎對曰聖人在上无雹雖有不為災左

歷代雹災

漢文帝後元年雨雹如冰字深三尺 風俗通 景帝二年秋雨雹

大者五寸永初二年夏河內縣大雨雹如杯深六寸或如斗殺畜生雉兔折樹木孔叢漢武元封二年冬雨雹大如馬首宣帝地節四年夏山陽雨雹大如雞子深二尺五寸殺人飛鳥皆死 本紀

縣境無雹

韓稜為下邳令鄰縣皆雹傷稼稜境獨無

雨或冰祥

熙寧中河州雨雹大者如雞卵小者如蓮花或如人頭耳目口鼻皆具元異鑑刻次年王師平河州蕃戎授首者甚衆豈亢勝之符豫告耶

蜥蜴吐雹

劉居中至嵩山顛有大蜥蜴數百皆長三四尺人以食之抗摩其身滋膩如脂一日聚繞水盆邊各就取水總入口即吐雹

已圓結如彈丸積之于側俄頃纍纍滿地忽震雷一聲起彈丸皆失去明日人來言昨午兩窻大作乃知蜥蜴所為夷堅志

古今文集

雜著

雪賦

謝惠連

歲將暮時既昏寒風積愁雲敏潔土不悅遊於兔園乃置白酒命賓友召鄒生延枚叟相如末至居客之右俄而微霰零密雪下王乃歌北風於衛詩詠南山於周雅授簡於司馬大夫曰抽子秘思騁子妍辭伴色揣稱為寡人賦之相如於是避席而起逡巡而揖曰臣聞雪宮建於東國雪山峙於西域岐昌發詠於來思姬滿申歎於黃竹曹風以麻衣比色楚謠以幽蘭儷曲盈尺則呈瑞於豐年素丈則表沍於陰德雪之時義遠矣哉請言其始若乃玄律窮巖氣升焦涸陽谷疑火并滅溫泉冰沸潭

八四

一五

无涌炎風不與北石坦深凜寒垂繒於是河海土雪朔漠飛沙連氛果竊掩日翳霄散浙瀝而先集雪紛緜而遂多真為狀也散漫交錯氛氳蕭索謂謁浮浮漣漣奕奕照翻飛而徘徊委積始緣毫而冒棟終開簾而入際初從始於海無志榮盈於帷席既因方而為珪亦遇圓而成璧時隱則万頃同高瞻山則千岩俱白於是臺如重壁逶迤連路庭列瑤林澹瓊樹皓鶴奪鮮白鷗失素紈袖慙冶玉顏掩嫵若乃積雪未虧白日朝鮮爛兮若燭龍銜曜照崑山兩貝流滴垂冰綠靈承隅察兮若馮夷剖蚌列明珠至夫繽紛繁露之兒皓汗皎潔之儀迴散繁積之勢飛聚凝曜之奇固展轉而无窮差難得而備知若乃申娛玩之无已夜幽靜而多懷風觸楹而轉響月承幌而通暉酌湘子之醇酎御狐貉之羔衣對庭鷗之双舞瞻雲鴈之孤飛折園中之萱草摘堦上之芳薇踐霜雪之交積怜枝葉之相違馳遙思於

千里願接手而同歸鄒陽聞之憊然心服有懷妍唱敬接末曲
於是乃作而賦積雪之歌二曰攜佳人兮披重幄接綺衾兮坐
芳綉燎薰爐兮炳明燭酌桂酒兮揚清曲又續而為白雪之歌
歌曰曲既揚兮酒既陳朱顏駭兮思自親願低帷以昵枕念襦
袂而解紳怨年歲之易莫傷後會之无因君寧見階上之白雪
豈鮮暉於陽春歌卒主乃尋繹吟翫扼腕顧謂枚叔起而
為亂二曰白羽雖白質以輕兮白玉雖白空守貞兮未若茲雪
因時具滅玄陰凝不昧其繁太陽耀不固其節二豈我名繁豈
我真憑雲升降從風飄零值物賦象任地班形素因偶立污隨
染成縱心浩然何慮何營

古詩

辛卯年雪

韓愈

元和六年春寒氣未肯歸河南二月末雪片一尺圍崩騰相排

文四

十六

搜龍鳳交橫飛波濤何颯揚天風吹藩拊白帝盛羽衛鬣鬆振
裳衣白霓生故塗縱以万玉妃翕二陵厚載譁二弄陰機生平
未曾見何耶議是非或云豐年祥飽食可庶幾善禱吾所慕誰
言寸誠微

喜雪獻裴尚書

韓愈

宿雲寒不卷春雪墮如徒駛巧先投隙潛光亂入池喜深將策
試驚密仰簷窺自下何曾污增高未見危比心明可燭拂面愛
還吹姑弄持飄袖欺梅併壓枝地空迷界限砌滿接高卑浩蕩
乾坤合乘微物象移為祥矜大熟市澤荷平施已分年華晚猶
怵曙色隨氣嚴當酒換酒急听窻知照曜臨初日玲瓏滴晚澌
聚庭看嶽聳掃路見雲披陣勢魚麗遠書文鳥篆奇縱歡羅絕
點列賀擁熊螭復弊行偏冷門高卧更羸悲嘶聞病馬浪走信
群兒竈靜愁煙起絲繁念鬢衰擬益吟舊句授簡慕前規捧贈

同燕石多慙失所宜

詠雪贈張籍

韓愈

祇見縱橫落窳知遠近來飄飄還自弄歷亂竟誰催
座暖銷那恠池清失可猜坳中初蓋底坵處遂成堆
慢有先居後輕多去却迴度前鋪瓦隴奔發積墻隈
穿細時雙透乘危忽半摧弄深逢坎井集早值層臺
砧練終宜擣階紈未暇裁城寒裝脚睨樹凍裹莓
苔片片勻如翦紛紛碎若投定非煇鶴鷺真是屑瓊瑰
緯繡觀朝夢冥茫矚晚埃當窻常凜凜出力即皴皴
壓野榮芝困傾都委負財娥嬉華蕩漾胥怒浪崔嵬
磧迥疑浮地雲平想碾雷隨車翻縞帶逐馬散銀盃
万屋漫汗合千株照耀開松篁遭挫抑糞壤獲饒培
隔絕門庭遽擠排陛級纒豈堪裨岳鎮強欲効塩梅
隱匿瑕疵盡包羅委瑣該誤雞宵呢喙驚雀暗徘徊
浩浩過三暮悠悠市九坡鯨鯢陸死骨玉石火炎灰
厚慮填溟

39 文前四

十七

壑高愁撒斗魁日輪埋欲側坤軸壓將頽岸類長蛇
撓陵猶巨象虺水官夸傑點木氣怯胚胎著地无由
卷連天不易推龍魚冷螯苦虎豹餓號哀乃借奢豪
便專繩困約災威貪凌布被光肯離金壘賞玩指他
事歌謠放我才狂教詩律砒具与酒陪鯁惟子能
諳耳諸人得語哉助留風作黨勸坐火爲媒雕刻文
刀利搜求智網恢莫煩相厲和傳示及提孩

次韻常父惠示丁卯雪詩

黃魯直

春皇賦上瑞來寧黃屋愛下令走百神大雲庇九丘
風吉將仁氣艷艷生瓦溝寒花弄零乱表裏照皇州
千門委圭璧曉日爛不收元年冬無澤穴處長蝓
蠹兩宮初肝食補衮獻良箴壽有道四夷守無征
萬邦休若年秉國論涇渭極分流輟未入班品逸
民尽歸周股肱共一体間不容戈矛人才如金玉
同美異剛柔政須衆賢和乃可踈共咬政絃張澈
法病十九已瘳玉指要不

匿蝕非日月羞桑林請六事河水問九疇天意果然得立功
吾謀此物有嘉德占年在麥秋近臣知天喜玉色動冕旒儒館
無它事作詩配崇丘

小雪

蘇叔黨

耿耿五侯居碧瓦映華稅獸炭麒麟紅銀瓶黃封揭春風遶帳
帳醉面生綺纈賜宴明光宮玉色迷金闕誰憐華門士破壁穿
飛霄

雪

歐陽永叔

時在穎州作玉月梨梅練絮白弄鵝鶴銀筭皆請
勿用

新陽力微初破萼客陰用壯猶相薄朝寒稜稜風莫犯暮雪綫
綫止還作驅馳風雲初慘淡炫晃山川漸開廓光芒可愛初日
照潤澤終為和氣燥美人高堂晨起驚幽士虛牕靜聞落酒壚

一曰文二句四

十八

成徑集餅罌獵騎尋蹤得狐貉龍蛇掃處斷復續
且攫其貪終歲飽牟麥豈恤空林饑鳥雀沙墀朝賀逆象笏桑
野行歌沒芒屨乃知一雪万人喜顧我不飲胡為樂坐看天地
絕氛埃使我肯襟如洗淪脫遺前言笑塵雜搜索万象窺冥漠
穎雖陋邦文士衆巨筆人人把矛槊自非我為發其端凍口何
由開一喙

晏太尉西園賀雪歌

歐陽永叔

陰陽乖錯亂五行窮冬山谷暖不冰一陽旦出在地上地下誰
發万物萌太陰當用不用事蓋由姦將不斬虧國刑遂令邪風
伺間隙潛中瘟疫於疲氓神哉陛下至仁聖愛勤懇禱通精誠
聖人與天同一體意未發口天已聽忽收寒威還水官正時肅
物凜以清寒風得勢獵獵走瓦乾霰急落不停恍然天地半夜
白群雞失曉不及鳴清晨拜表東上閣鬱二端氣盈空庭退朝

騎馬下銀鬪馬滑不慣行瑤瓊晚趁賓館負太尉坐齋滿路流
歡聲便開西園埽徑步正見玉樹花凋零小軒却坐對山石拂
拂酒面紅顏生主人與國共休戚不惟喜悅將豐登須於鉄甲
冷徹骨四十餘方屯邊兵

聚星堂雪

蘇子瞻

元祐六年禱張龍公得小雪與客會飲聚星堂忽
憶歐陽文忠公守時雪中約客賦詩禁体物語
尔來四十餘年莫有繼者僕以老門生繼公後雖
不足追配先生而賓客之美於公減當時公之二
子又適在郡故輒率前公各賦一篇

愬前暗響鳴梧葉龍公試手初行雪映空先集疑有无作態斜
飛正愁絕殿宿起舞風竹乱老守先醉霜以新恨无翠袖點橫
斜紙有微灯照明滅歸來尚喜更鼓暗是起不待鈴索掣未嫌

文四

十九

長夜作衣被初初陽生眼顧欲浮大白追餘賞幸有回颺驚
落屑模糊檐頂獨多時歷乱瓦溝裁一瞥汝南先賢有故事醉
翁詩話誰續談當時號令君听取白戰不許持寸鉄

律詩

雪

盧延讓

瑞雪落紛華隨風一向斜地平鋪作月天迥撒成花客滿燒煙
舍牛牽青負車吾皇夏挾纊猶自問軍家

對雪

李嶠

瑞雪驚千里從風降九霄地疑明月夜山似白雲朝逐弄花光
動臨紈扇影搖大周天闕路今日海神朝

詠雪

歐陽永叔

至日陽初復豐年瑞遽臻飄飄初未積散漫忽无垠方木青煙
滅千門白昼新往來衝更合高下着何勻望好登長榭平堪走

盛輪馬寒毛縮謂弓勁力添鈞各醉看成眩兒嬌咀且墮虛堂
明永夜高閣照清晨樹石詩翁對川原獵騎陳凍飲迷舊穴餓
雀噪空園此土偏宜稼而予濫長人應須待和暖載酒共行春

對雪

歐陽永叔

對雪无佳句端若正杜門人閑見初落風定不勝繁可喜輕明
質都尤剪刻痕鋪平天池沼飄急響忽軒惜不掃嘉樹衝且走
益較寒欺白酒嫩暖愛紫貂温遠鷺銷如洗愁寒晚更屯兒吟
鵝鳳語翁坐凍鴟蹲病思驚殘歲朋歡賴酒尊稍晴春意動誰
与探名園

李紳鎮揚州請孝標賦春雪詩命題於臺盤上索筆

一傳云

章孝標

六出花飛處處飄
六出花飛處處飄
飄如絮拂砌上寒條
朱門到晚難盈尺
尽是二軍言氣銷

雪中偶題

鄭谷

亂飄僧舍本煙濕
密洒高樓酒一微
江上晚來堪處處
漁人披得一簑歸

戲作雪獅絕句

張文潛

六出粧成百獸王
日頭出後便郎當
撐眉拄眼人誰怕
想汝應无執肺腸

雪後

譚知柔

晚醉扶筇過竹村
數家殘雪擁籬根
風前有恨梅千點
沙上无人月一痕

對雪

杜荀鶴

風搖長空寒骨生
先於曉色報窺明
江湖不見飛禽影
岩谷時聞折竹聲
溝壑本深无復滿
路岐兼得一般平
擁袍公子莫言冷
中有樵夫既足行

春雪

秦韜玉

雲重寒空思寂寞玉塵如積滿春朝片總着地輕二階力不禁
風旋二消惹砌任他香粉妬繁叢自享小梅嬌誰家醉捲珠簾
看弦管深暖易調

雪

羅隱

細玉羅紋下碧霄杜門顏巷落偏饒巢居只恐高柯折旅客愁
聞去路遙擲凍野蔬和粉重掃庭松葉帶酥燒寒窓呵筆尋詩
句一片飛來紙上銷

對雪

李商隱

旋撲珠簾過粉牆輕於柳絮重於霜已隨江令誇瓊樹又入盧
家妬玉堂侵夜可能爭桂冕忍寒應欲試梅粧關河凍合東西
路腸斷斑駁送陸郎

雪

李咸用

上帝無私意甚微欲教霖雨更光輝也知觸處花相似可到貧
家影便稀雲洪風多銀浪濺崑山火後玉塵飛高樓四望吟魂
歛却憶明皇月殿歸

雪夜書北其臺壁

蘇子瞻

黃昏猶作雨纖二夜靜无風勢轉嚴但覓衾裯如潑水不知庭
院已堆鹽五更曉色來書幌半夜寒聲落畫簷試掃北其臺看馬
耳未隨埋沒有雙尖

城頭初日始翻鴉陌上晴泥已沒車凍合玉樓寒起粟光搖銀
海眩生花遺蝗入地應千尺宿麥連雲有幾家老病自嗟詩力
退空吟水柱憶刘义

詠雪奉三廣平公

黃魯直

連空春雪明如洗忽憶江清水見沙夜聽疎二還密二曉看整
整復斜斜風回共作娉娉舞天巧能開頃刻花政使多情寒至

骨不妨桃李用年華

詩話

品題雪詩

荆公嘗與伯氏天啓在鍾山對雪辛唐人詠雪數百篇要之劣極變態无如退之大抵唐詩尚工巧失之氣格不高有如鳥向不香花裏宿人從无影月中歸若狀一時佳處如江上晚來堪昼如漁人披得一蓑歸道孤寂之意如夜靜誰聞折竹声好用事如義山欲舞空隨曹植馬有情應點謝莊衣又云已隨江令誇瓊樹又入盧家妬玉堂至於少陵老即不然霏向日薄脉脉去人遥等句便竟超出人意唐人詠雪如用瓊瑶鵝鶴梅花柳絮重疊工巧所以竟少陵超邁也 本朝歐陽公雪詩多大篇然已屏去曰事故東坡効之東坡少時亦多詠也知不作堅牢玉无柰能開頃刻花又云但竟衾裯如潑水不知庭院已堆

上八原四

共八

監後亦不作犯白事如白戰不許持寸鐵一篇雖无白事亦坦然老健直有少陵氣象荆公又嘗云春雪詩古今甚衆只唐人二句為冠輕着凍痕銷水面密隨和氣入花根此真是春雪詩又雪晴詩云万木尽如花落候四簷鳴似雨來時但氣格不高尔察載集

點化詩句

王勉嘗作雪詩上天燒下且楷灰烏李從教變白梅坡次王仲玉云江雲欲落且楷灰勉之詩近俗入坡翁爐殿則為佳句文酒詩話

不經人道語

盛次仲孔平仲同在館中雪夜論詩平仲曰當作不經人道語曰斜拖鬪角龍千尺澹抹墻腰月半稜次仲曰甚佳惜其未大也乃曰看來天地不知夜飛入園林總是春平仲乃服

卜其任重

韓魏公詩老石蓋深蓋虎陷冷枝擊重玉龍寒讀此句亦可見公之自任如此

評詩高下

東坡言鄭谷詩江上晚來堪尽处漁人披得一簑歸此材李中詩也子厚云千山飛鳥絕万徑人踪滅城孤舟簑笠翁獨釣寒江雪信有格也哉殆天所賦不可及也

洪駒父詩話

雪詩寓諷

慶曆中西師未解晏元獻為樞密使會大雪置酒西園歐永叔賦詩云須攢鐵甲冷徹骨四十餘万屯边兵晏曰昔韓愈亦能作言語赴裴度會但云園林窮勝事鍾鼓樂清時不曾如此合

開倦游錄

天道部

冰

羣書要語

積冰曰凌水壯曰凍水流曰澌冰解曰泮風俗通

孟冬之月水始凍仲冬之月冰益壯季冬之月冰

方盛水澤腹堅命取水以入月令東風解凍魚上冰月令初六

履霜堅冰至象曰履霜堅冰陰始凝也坤卦北方有曾冰万里

厚百丈神異經曾冰峨峨楚辭大霜魚負冰易通卦冰水為之

而寒於水荀子良匠不能琢冰文子胡貉之地積陰之處木皮

三寸冰厚六天晁錯書凌人掌冰正歲十有二月令斬冰三其

凌周禮二之日鑿冰冲冲三之日納于凌陰四之日其蚤獻羔

祭非二日夏之十一月三春始治鑑凡內外饗之膳羞鑑焉凡

酒漿之酒醴亦如之祭祀共冰鑑鑑如鍾大口以盛冰置食物

則失味周禮狐聽冰見狐門

詩曰厚冰無裂文短日有冷光孟郊擔囊行採薪斧冰持作麩

魏武帝飛雪斷道冰成梁柳宗清如玉壺冰鮑明霜威朝折綿

風力夜冰酒山谷

古今事實

受命飲冰

葉公子高曰吾朝受命而夕飲冰莊人間世

能夏造冰

老成子夢幻於尹文先能翻校四時夏造冰列子

書無冰

襄二十八年春無冰注時天下諸侯大夫皆執國權君不能制

誅罰不行周失之舒秦失之急故周襄無寒歲秦末無燠年

書水冰

成十六年雨木冰劉歆以為上陽施不下通下陰施不上達故雨而木為之冰

澤沱冰台

光武至薊上王郎使至上發薊晨夜馳至下曲陽澤沱河道吏還言河流斯无舡不可渡遣王霸往視實然霸恐驚眾即還白冰堅可渡比至水果可乘帝遂得渡河

冰山

或勸進士張彖謁楊国忠曰見之富貴可立圖彖曰君輩倚楊右相如泰山吾以為冰山耳若皎日既出君輩得无失所恃乎遂隱居嵩山本傳

樹介又見死門詩話

子文五

永徽二年十一月陰霧凝凍封樹木數日不解劉向以為木少陽此人將有害則陰氣脅木先寒故得雨而冰亦謂之樹介介兵象也本紀

海水冰

長慶元年二月海州海水冰南北二百里東望無際本紀

玩冰筋

開元冬日雪霽寒結簷溜皆為冰條妃子使侍兒取玩帝晚朝回問之答曰所玩冰筋也遺事

冰山圍坐見伏日門

冰紋成樹

景福中滄州城墜中冰有紋如畫大樹華葉芬敷時人以其地當有兵難長編

敲冰煮茗

逸人王休居太白山每冬取溪水煮建茗共賓客六帖

古今文集

古詩

明冰篇

富嘉謀

北陸蒼茫河海凝南山闌干晝夜冰素彩絳
明月升深山窮谷不自見安知採斲嘉薦陰房涸
沍掩寒弱陽春二月朝始暎春光潭沲度千門
明冰時出御至尊彤庭赫九儀脩腰玉煌煌
千官事明冰畢歲周在位憶昔沙朔寒風漲崑崙
長河水始壯漫汗峻嶒積亭障邕鳴鴈江上來
禁苑池臺冰復開春涵綠映樓臺幽歌七月王風始
明冰藏用昭物軌四時不忒千万祀

木冰

蘇子由

老病不眠知夜寒晨具薄冰滿庭前枯榆老柳
變精妍細梢如三五

文五

苗籬如椽風敲碎玉落紛然冰裏榭葉誰雕
鶴鄰家父老呼東垣欲沽官酒囊无錢我亦強
起試一觀樹稼不見今十年律詩

長嘯巖中得冰敲食甚佳

程伯淳

車倦人煩渴思長巖中冰片玉成方老仙笑我
塵勞久乞与雲膏洗俗腸

釋子敲冰

楊廷秀

釋子金盆照曉冰彩絲穿取當銀鉦敲成玉磬
穿林響忽作玻璃碎地声

雨

羣書彙語

雨水從雲下也兩者輔也言輔時生養釋名暴雨謂之凍小雨謂之霖霖時雨曰澍雨三日以往為

霖父雨曰霖雨與雪雜下曰霰爾雅疾雨曰驟雨徐雨曰零雨

久雨曰苦雨亦曰愁霖雨水曰潦雨雲曰滄纂要肅時雨若洪

範有滄淒淒與雨祁祁詩月離于畢俾滂沱矣詩太平之時雨

不破塊旬而一雨雨必以夜蓋鐵論太平之時五日一風十日

一雨王充論衡雨師屏翳風伯飛廉漢郊祀志赤松子神農時雨

師列仙傳玄冥雨師風俗通唐俚語云春雨甲子赤地千里夏

雨甲子乘舡入市秋雨甲子禾頭生耳冬雨甲子牛羊凍死朝

野僉載皇天淫溢而秋霖兮后土何時而得乾楚辭鶴鳴于埳

將陰則穴處者蟻封穴戶大雨將至易林驟雨不終日莊子道

至天者祥風起甘雨降雨齊而陰暄者謂之甘雨論衡六月有

大雨名濯枝雨風土記夏至前雨為黃梅雨沾衣服皆敗黧又

埤雅云今江湘二浙四五月間梅欲黃落則水潤土溽柱礎皆

汗蒸鬱成雨謂之梅雨故自江以南三月雨謂之迎梅五月雨

謂之送梅同上

詩曰密雨散如絲晉張勳炊爨不復幸竈中生蛙蝦傳玄蒼生

憂其魚南畝多被水荆公白雨映寒山森森似銀竹李白黑雲

玄甲駐鐵騎冷官馳后山

古今事實

河伯行雨

西海上有人乘白馬朱鬣白衣玄冠從十二童子馳馬如飛名

曰河伯使者其所至之國雨水滂沱神異記

商羊鼓舞

齊有一足之鳥飛公朝下于殿前舒翅而跳齊便遣使訪孔子

孔子曰此鳥名商羊昔童兒有屈其一足振訊兩臂而跳且謠

曰天將大雨商羊鼓舞今齊有之其應至將有水為災家語

天鳴而雨

中和三年浙西天鳴聲如轉磨无雲而雨占曰无雲而雨是謂
天泣五行志

兩寶珠

梁大同中嘗驟雨殿前往往有雜色寶珠梁武帝觀之有喜象
虞奇因上瑞兩頌云飛甘洒潤玉散珠聯初李記作盧昂道

古今文集

古詩

秋雨歎

杜甫

關風長雨秋紛紛四海八荒同一雲去馬來牛不復辨濁涇清
渭何當分禾頭生耳黍穗黑農夫田父無消息城中斛米抱衾
裯相許寧論兩相直

長安布衣誰比數及鎖衡門守環堵老夫不出長蓬蒿稚子无
憂走風雨兩聲颯文五催早寒胡鴈翅濕高飛難秋來未曾見白

日泥汚后土何時乾

雨夜吟

杜甫

屋小茅乾雨声大自疑身著蓑衣卧蕪是孤舟夜泊時風吹折
葦來相佐我有愁衿無可那纔成好夢剛驚破背壁寒灯不及
螢重挑却向燈前坐

秋霖歌

李沆

西方龍兒口猶乳初解驅雲孛行雨縱恣群陰駕老虬勺水蹄
涉尺奔注葉破苔黃未休滴膩光透長庭莎色恨无長劔一千
仞劃斷頑雲看晴碧

雨

韓渥

坐來藪藪山風急山雨隨風暗原隰樹帶繁声出竹間溪將大
點穿籬入餉婦寥翹布領寒牧童擁首蓑衣濕此時高味共誰
論掩鼻吟詩空佇立

久雨

王介甫

煤炷着天無寸空白沫上岸吹魚龍羲和惟車出不得河伯欲
取山為宮城門晝開眠百賈飢孫得糟夜舖翁老人慣事少所
恠看屋箕踞歌南風

喜雨

歐陽永叔

大雨雖霧沛隔微分晴陰小雨散浸滂為潤廣且深浸滂苟不
止利澤何窮已無言雨大小小兩農尤喜宿麥已登實新禾未
抽秧及時一日雨終歲飽豐穰夜響流霖霖晨輝霽蒼涼川原
淨如洗草木自生光童稚喜瓜芋耕夫望陂塘誰云田家苦此
樂殊未央

大暑舟行含山道中雨驟至霆奔龍掛可駭偶成古

詩

范至能

隕雲震前驅連鼓訶後殿駭々失高丘擾々暗古縣白龍起幽

蟄黑霧佐神變盆傾耳雙瞶斗暗目四眩忱重腹逾飽擣潤鳴
更健圓漪暈兩點濺滴走波面伶俜愁孤鴛颺閃亂飢燕麥老
枕水卧秧穉與風戰牛蹊岌城沉蟻隧洶旣建水車競施行歲
事敢休宴啞啞嘯篁鳴轆轤連鎖轉駢頭立婦子列舍望宗伴
東枯駭西潰寸涸驚尺澱嗟余豈能賢與彼亦何辨扁舟風露
熟半世江湖徧不知憂稼穡但解加食飯遙憐老農苦敢厭游
子倦

律詩

春夜雨

杜甫

好雨知時節當春乃發生隨風潛入夜潤物細無聲野徑雲俱
黑江舡火獨明曉看經濕處花重錦宮城

雨

李嶠

西北雲膚起東南雨足來靈童出海見神女向山回斜影風前

合圓紋水上開十旬无破塊九土信康哉

雨

杜牧

連雲接塞添迢迢洒幕侵灯送寂寥一夜不眠孤客耳主人窓外有芭蕉

聽雨

王建

今年思家客裏愁雨声落々屋簷頭照泥星出依然黑淹爛庭花不肯休姚令威叢話謂云乾星照湿土来日依舊雨

禱雨

喜雨附

羣書要語

上龍致雨淮南子甲乙日不雨命為青龍東方小童舞之丙丁不雨命為赤龍南方壯者舞之戊己不雨命為黃龍中央壯者舞之庚辛不雨命為白龍西方老人舞之壬癸不雨命為黑龍北方老人舞之如此不雨潜处闔南

文五

七

門置水其外開北門取人骨埋之如此不雨命巫祝而曝之曝之不雨神山積薪擊鼓而焚之神農求雨書太平之時十日一雨九歲三十六雨此休證時若之應京房易候鬱林郡山有池池有石牛歲旱百姓殺牛祈雨以牛血和泥泥石牛背祠畢天雨洪注石牛背泥尽即晴韻微廣州記

詩句雲驅鐵騎千山合雨挽銀河一夜傾耕欄

古今事實

湯禱桑林

湯伐桀後大旱七年前砂磔石太史占之曰當以人禱湯曰吾所為請雨者民也若必以人禱吾請自當遂齋戒剪髮斷爪素車白馬身嬰白茅以身為犧牲禱於桑林之野持三足鼎祝於山川曰政不一与民失職与宮室營与婦謁盛与苞苴行与讒夫昌与何不雨之極言未已而天大雨

宣王遇旱

雲漢尹吉甫美宣王也遇災而懼側身脩行欲銷去之天下喜於王化復行故作是詩也倬彼雲漢昭回於天王曰於乎何辜今之人天降喪亂飢饉荐臻靡神不辜靡愛斯牲圭璧既卒寧莫我聽旱既太甚蘊隆蟲蟲不殄禋祀自郊徂宮上下莫瘳靡神不宗旱既太甚滌滌山川旱魃為虐如燄如焚我心痺暑憂心如燿

祠神何益

齊景公時大旱乃召群臣而問曰天久不雨民有飢色寡人欲少賦斂以祠靈山可乎群臣莫對晏子進曰此不可祠无益也夫靈山固以石為身草為髮天久不雨髮將焦身將焚彼獨不欲雨乎祠之无益景公曰吾欲祠河伯可乎晏子曰夫河伯以水為國以魚鱉為民天久不雨百川將竭國民將亡矣誰獨不

文五

八

用雨乎祠之无益景公曰柰何曰避宮殿暴露与山靈河伯共其憂其幸而雨乎景公乃出野暴露三日天果大雨晏子春秋

暴巫為疏

魯歲旱穆公召懸子而問曰天久不雨吾欲暴尪而奚若曰天則不雨而暴人之疾尤乃不可欤然則吾欲暴巫而奚若曰天則不雨而望之愚矣婦人以求之母乃已疏乎卒為之徙市

天旱乾封

西漢郊祀志云夏旱公孫卿曰黃帝時封則天旱乾封三年上乃下詔曰天旱意乾封乎其令天下尊祠靈星焉

積薪自焚

戴封字平仲迁西華令其年大旱禱請无獲乃積薪坐其上以自焚火起而大雨遠迹嘆服謝承後漢書

方士養龍

使者甘宗所奏西域事云方士能神呪者臨泉禹步吹氣龍即浮出長十數丈更吹龍輒縮至數寸乃掇取著壺中或有四五龍以少水養之聞有旱處便賫龍往賣一龍直數十斤金發壺中出一龍著潭中復禹步吹之長十數丈須臾而雲雨四集抱朴子

檄召五星

魏管輅字公明過清河倪太守時天旱倪問兩期輅曰今夕當雨樹上已有少女風樹間又有陰鳥和鳴又少男風起衆鳥亂翔其應至矣倪不之信輅曰十六日壬子畢星中已有水氣又作檄召五星宣布星符刺下東井告南箕使召雷公電父風伯兩師須臾風雲並興玄雲四合大雨河傾

登岳而夢

後周達奚武以太保為同州刺史時旱武祀華山廟岳既高峻人跡罕通武年逾六十攀藤而上晚不得還於岳上藉草而宿夢一白衣執武手曰快辛苦甚相嘉尚武驚寤旦而澍雨

馬上行雨

李靖微時嘗射獵山中會暮抵宿一朱門家夜半聞扣門甚急見一婦人謂靖曰此非人世乃龍宮也今天符命行雨二子皆不在欲奉煩頃刻間如何遂命黃頭被青驄馬又命取兩器乃一小餅戒曰馬躩地嘶鳴即取餅中水一滴滴馬鬃上此一滴水乃地上三尺填勿多也既而電掣壺澗特連下三十餘滴比夜半平地水三丈玄奘錄

禱而必雨

唐段文昌帥荆南或旱禱解必雨或久雨出遊必霽民為語曰旱不苦禱而雨雨不愁公出遊

甕盛蛇醫

王彥威鎮汴夏旱李杞過汴因宴王以旱為言李醉曰欲雨甚易爾可求蛇醫四頭石甕二枚每甕實以水浮二蛇醫以木蓋密泥之置於閑廐甕前後設席燒香選小兒十歲以下者十餘令執小青竹晝夜更擊其甕不得少輟土如言試之一日兩夜兩大注酉陽雜俎

龍吸硯水

有僧講經山寺常有一叟來聽問其姓氏曰某乃山下潭中龍也幸歲旱得閑來此聽法僧曰公能救旱乎曰上帝封江湖有水不得輒用僧曰此硯中水可用乎乃就硯吸水徑去是夕雷雨大作遠眺視之雨悉黑水幕府燕閑

仁宗禱雨

慶曆間京師夏旱諫官王公素乞親行禱雨帝曰太史言月二日當雨一日欲出禱公曰臣非太史是日不雨帝問故公曰

事文五

陛下幸其當雨以禱不誠不誠不可動天臣故知不雨帝曰

明日禱雨醴泉觀公曰醴泉之近猶外朝也豈憚暑不遠出邪帝每意動則耳赤耳已盡赤厲声曰當禱西太一宮公乞傳旨帝曰車駕出郊不預告卿不知典故公曰國初以虞非常今又太平預告使百姓望清光者衆耳無虞也諫官故不意從明日特召王公以從日色甚熾埃霧漲天帝玉色不怡至瓊林苑回望西太乙宮上有雲氣如香煙以起少時雷雨至帝却道遙輦御平輦徹蓋還宮明日召對帝曰朕自卿得雨聞見錄

蜥蜴求雨

熙寧中京師久旱按古法令坊巷以甕貯水插柳枝泛蜥蜴小兒呼曰蜥蜴蜥蜴興雲吐霧降雨滂沱放汝歸去時蜥蜴不能盡得往往以蝎虎代之入水即死小兒更曰冤苦冤苦我是蝎虎似恁昏沉怎得甘雨倦游雜錄

師興而雨 以下係喜雨

衛大旱卜有事於山川不吉甯莊子曰昔周飢克殷而年豐今邢无道諸侯无伯天其或者欲使衛討邢乎從之師興而雨左氏傳

行部雨降

漢百里嵩為徐州刺史境內旱嵩行部車所經甘雨輒降

雨隨車至

後漢鄭洪迁淮陰太守行春大旱隨車致雨

决獄而雨

袁安為楚相會楚三英事互相牽引拘繫者千餘人三年而獄不决坐掠幽而死者百餘人天用炎旱赤地千里安决獄事人入具錄其辭狀本非首謀為上所引應時理遣一句之中延千人之命其時甘雨滂沛歲入豐稔汝南先賢傳

呼御史雨

唐顏真卿為監察御史使河隴時五原有冤獄久不决天且旱真卿辨獄而雨郡人呼御史雨

古今文集

雜著

象化

牛僧孺

象能禱雨二月不應巫病民盜王其愁儒有言曰王无愁也象之誤也夫龍善化雨而時在乎天天使雨龍得化不使雨龍不得化聖人象龍而救民是乃象其化者也龍之性善孝者人之心故象性莫若心而已使性非心可象則鳴鳩之性均而木刻鳴鳩足以象均耶獬豸之性觸而塊飾獬豸冠足以象觸邪龍以性善化而龍於化人者衣袞則其象不以土木亦明矣湯以是龍其聰而深無不聞也龍其明而高無不見也言若出為雲

而物仰之有陰智若躍乎淵而物觸之有潤天而不雨百姓視王為雨也雖七歲災二不聞有咎者而况三月哉

移雨神

司空圖

夏滿不雨民前後走神所剗羊豕而跪乞者九三而后得請民大喜且將報祀愚獨以為惑何者天以神乳育百穀必時既豐然後民相率以勞神之勤於事而祀焉今始悛其施以愁疲民是神怠天之職也必希民之求而遂應是神玩天之權也既應而俾民輸怨於上歸惠於己是神攘天之德也推怨何以為義利腥膻之饋何以為仁怠天下之事何以為敬蔑是數者何以為神假曰非吾所得顓然知民之情而不時請於上是亦徒偶於位此愚所以惑也噫天不可終慢民不可久侮竊為神危之柰何

風雨對

羅隱

風雨雪霜天地之所權也山川藪澤鬼神之所伏也故風雨不時則歲有饑饉雪霜不時則人有疾病然後禱山川藪澤以致之則風雨雪霜果為鬼神所有也明矣得非天之高不可以自理而寄之山川地之厚不可以自運而憑之鬼神苟祭祀不時則饑饉作報應不至則疾病生是鬼神用天地之權也而風雨雪霜為牛羊之本矣復何歲時為復何人民為是以大道不旁出惧其弄也大政不問下惧其偷也天欲何言

古詩

祈雨

杜牧之

東堤黑風駕海水海底卷上天中央錚棧雷車轍軸壯矯攫蛟龍爪尾長神鞭鬼御載陰帝來往噴洒何顛狂四方歲騰玉京仗萬里橫牙羽木槍

祈雨

蘇子瞻

長笑蛇醫一寸腹，銜水吐電何時足。蒼鵝無罪亦可怜，斬頭橫盤不敢哭。豈知泉下有猪龍，卧枕雷車踏陰軸。前年太守為旱請，兩點隨人如散菽。

祈雨

蘇子瞻

常山山人信英武，撓駕雷車呵電母。山中歸時風色變，中路已覓商羊舞。夜惚騷，二開松竹朝畦洙。二流膏乳庶將積，潤掃餘孽收拾豐歲還明主。

律詩

郴州祈雨

韓愈

乞雨女郎魂，魚羞潔且繁。廟開鼉鼠叫，神降越巫言。旱氣期銷蕩，陰官想駿奔。行看五馬入，蕭颯已隨軒。

井

韓愈

居然鱗介不能容，石眼環二水。一鍾聞說旱時求，雨澤只疑科

事文五

十一

斗是蛟龍

觀祈雨

李約

桑條无葉土生烟，簫管迎龍水廟前。朱門幾處看歌舞，猶恐春陰咽管弦。

雜著 以下係喜雨

喜雨亭記

蘇子瞻

亭以雨名，志喜也。古者有喜則以名物，示不忘也。周公得禾，以名其書；漢武得鼎，以名其年；叔孫勝狄，以名其子；雖其喜之大，小不齊，其示不忘一也。余至扶風之明年，始治官舍，為亭於堂之北，而鑿池其南，引流種樹，以為休息之所。是歲之春雨，麥於岐山之陽，其占為有年。既而弥月不雨，民方以為憂。越三月乙卯，乃雨。甲子又雨，民以為未足。丁卯大雨三日，乃止。官吏相与慶於庭，商賈相与歌於市，農夫相与抃於野。憂者以樂，病者以

愈而吾亭適成於是奉酒於亭上以屬客而告曰五日不雨可乎曰五日不雨則无麥十日不雨可乎曰十日不雨則无禾无麥无禾歲且荐飢獄訟繁興而盜賊滋熾則吾与二三子雖欲優游以樂於此亭其可得耶今天不遺斯民始旱而賜之以雨使吾与二三子得相与優游而樂於此亭者皆雨之賜也其又可忘耶既以名亭又從而歌之曰使天而雨珠寒者不得以為襦使天而雨玉飢者不得以為粟一雨三日伊誰之力民曰太守太守不有歸之天子天子曰不然歸之造物造物不自以為功歸之太空太空真真不可得而名吾以名吾亭

古詩

元豐行示德逢

王介甫

四山脩二狀赤日田背坼如龜兆出湖陰先生坐草室看踏溝車望秋實雷蟠電掣雲滔滔二夜半載兩輪亭臯臯禾秀發埋牛

元文五

十四

尻豆死更蘇肥莢毛倒持龍骨掛屋敖買酒澆客追前勞二年五穀賤如水今見西成復如此元豐聖人与天通千秋萬歲与此同先生在野固不窮擊壤至老歌元豐

律詩

喜雨

韓稚圭

何假噴雷擊怒桴默然嘉澤浹民區經時亢暵群心駭數月焦熬一陣蘇已發宋苗安在握再生莊駟不虞枯須更慰滿三農望歛却神功寂似无

旱

羣書要語

水干土則大旱繁露旱之言悍也嗚驕蹇所至也

春秋考異

七八月之間旱天油然作雲沛然下雨

則苗勃然興之矣

孟子

頃者炎旱日更增甚沙磧銷鏘草木焦

卷處涼臺而有鬱蒸之煩浴寒水而有灼爛之慘宇宙雖廣元陰以懋應休理與司巫若國大旱則率巫而舞雩周禮南方有人長二三尺袒身而目在頂上走行如風名曰魃所見之國大旱赤地千里一名格遇者得之投溷中乃死旱灾消也神異經 借常暘若注君行借差則常暘順之洪範燥石流金謂龍見而雩左傳雩者為旱求也谷梁旱所謂常陽不謂常陽而謂旱者以為灾也旱之為言乾万物傷而乾不得水也君持亢陽之節暴虐於下故旱灾應也洪範五行傳大旱金石流土山焦而不熱莊子

古今事實

僖公閔雨

魯僖公夏四月不雨言不雨者閔雨也閔雨者有志乎民者也

當烹弘羊

子文五

十五

武帝時歲小旱上令百官求雨太子太傅卜式曰今桑弘羊令吏坐市列販物求利息弘羊天乃雨

祭孝婦冢

東海有孝婦少寡无子養姑甚謹姑告鄰人曰孝婦養我勤苦哀其无子守寡我老累无丁壯奈何遂自經死姑女告吏婦殺我母吏捕孝婦婦誣服郡中枯旱三年後太守至殺牛自祭孝婦冢因表墓天立大雨歲熟

繪圻屋圖

鄭俠見荆公言青苗之害不答久之得監在京安上門會大旱自十一月至于三月河東河北陝西流民大入京師与城外飢民市麻粃麥麩為之糜或掘草根採木实以食俠上疏曰今天下憂苦貧妻鬻女父子不保圻屋伐桑爭貨于市輸官采米皇皇不給之狀繪為一圖此臣安上門日所見百不及一陛下

觀臣之圖行臣之言十日不雨乞斬臣以正欺罔之罪

綠衣言事

朝奉郎杜球言永熙幸佛寺塔廟禱雨至天慶三館起居因駐
輦問曰天久不雨柰何或對天數或對至誠必有應一綠衣少
年越次對曰刑政不修故也上頷之而行歸復駐輦召綠衣者
問狀對曰某所守臣犯賊法當配宰相以親則不配某所守臣
犯賊不當死宰相以嫌卒死之翌日 上為罷宰相天即大雨
綠衣者寇萊公也 塵史

古今文集

雜著

人旱解

盛均 文粹

涖難歲越垠曠旱塞諸陽迂市不雨祈山川庶神又不雨觴土
龍舞巫覡愈不雨或言邦有術人能捕退龍而謀之昔歲嘗然

言一八五

十一

五十一

農剩其澤及召術人至而旱色如故太守怒亟命擒之術人遁
去矣其遺囊有書一幅目曰旱有三曰天旱因旱人旱曷為天
旱蹇陽肆凶下土祗填雖六七十歲然人不飢曷為因旱君道熾
災德涸仁枯貪風暴氣蒸為時穉曷為人旱邦燬其政吏賊其
行千里人心燥不為陰夫天旱求諸仁仁洽而時豐因旱求諸
德德潤而澤流人旱求諸政政清而俗阜貪貨遊于上刑贖于
下百姓焦愁結成很暑所謂人旱也邦守不清其政而逮龍貨
兩是猶乘權適海豢羊望翼於何可冀乎太守得書增怒是歲
正月不雨至五月明年殍死者數千人而太守亦以財禍

訟風伯

韓愈

維茲之旱兮其誰之由我知其端兮風伯是尤山升雲兮澤上
氣雷鞭車兮電搖幟雨霽二兮將欲望風伯怒兮雲不得止賜
烏之仁兮念此下民閱其光兮不闢其神咤風伯兮其將謂何

我於尔兮豈有其他求其時兮修祀事羊甚肥兮酒甚旨食足飽兮飲足醉風伯之怒兮誰使雲屏二兮吹使醜之氣將交兮吹使離之鏢之使氣不得化寒之使雲不得施嗟尔風伯欲逃其罪其又何辭上天孔明兮有紀有綱今我上訟兮其罪誰當天加誅兮不可悔風伯雖死兮人誰尔傷

古詩

檢覆邲城旱田示同官及寄河南諸賢

劉貢父

昔歲歉无年今麥仍荐飢罷兵去南畝賤價捐東菑籍二道路間餓者何纍纍藜藿不充腸芥然旄与倪嗟我祿代耕每食為不怡徒懷仲由志身賤那得施屬城上民訟比牒皆苦詞奉詔实有无百聞謝一類星言說桑田行与父老期觸熱不敢休重趼寧告疲郊原赤如赫秉穗无子遺穰藝不可分四旁生蒺藜流行誠代有愚弱豈易欺附上亦有刑殘下罪攸司鄙夫不忍

二十五

十七

五十五

此告吏感赦之庶茲咻噢恩足以蘇惻發大農忘經費言利析毫厘三吾猶不足一切寧謂宜国僑敏爭承鄭邑用不危馮驩焚券書田氏人若婦區二二小邦兩士能若斯當官在必行匪石安可移諸公悉吾友此志良弗非當令徇路人一听狂者詩

旱詩

張文潜

十月不雨井水渾孤城烈日風颺塵楚天万里无纖雲旱氣塞空白晝昏七龍嘶蜴竟无神田中水車声相聞努力踏車莫厭勒但憂水熱傷禾根道傍執送者何人稻塍爭水殺厥鄰五湖七澤水不貧正賴老龍一屈伸

蝗

羣書

又語

食苗曰螟食葉曰螻食根曰蝨食節曰賊四蝗虫名也尔雅蝗蝻也一名蝻一名蝻說文蝻負蟻虫

也左傳住去其螟蟥及其蠹賊无害我田穡田祖有神秉畀炎火詩蝗虫腹下有梵字雜俎蝗是魚子在水中化為之蔡伯皆云
詩句始自兩河及三輔存食如蚕飛似魚樂天捕蝗遺蝗入地
應子尺東坡雪詩

古今事實

茅茨食尽

雨蝨于宋外災不書此何書災甚也奈何茅茨尽也穀梁

蝗飛入海

馬援為武陵太守郡連有蝗援振貧羸薄賦稅蝗飛入海化為魚蝦東觀漢記

蝗不入境

魯恭為中牟令飛蝗避境○宋均為九江守山陽楚沛多蝗至九江輒四散

捕蝗得錢

漢平帝時蝗詔使者捕蝗人能捕蝗詣吏者以石斗受錢

太宗吞蝗

正觀間京畿旱蝗食稼太宗在苑中撥蝗吞之曰但當食朕无害百姓是歲蝗不為患

姚崇捕蝗

開元間山東大蝗姚崇奏詩云秉畀炎火此除蝗之義也乃出御史為捕蝗使分道殺蝗倪若水上言除天災者當以德昔劉聰除蝗不克而害愈甚崇移書謂之曰聰德主德不勝妖今妖不勝德若水俱乃縱捕得蝗十四万石時議者喧譁崇曰討蝗縱不能尽不愈於養以遺患乎帝然之盧懷謹曰天災安可以人力制且殺虫多必戾和氣願公思之崇曰昔楚王吞蛭而厥疾瘳叔敖斷蛇而福乃降今蝗幸可驅若縱之穀且尽如百姓

何殺虫救之禍歸於崇不以諉公也蝗害訖息

捕蝗易粟

五代晉出帝天福間募民捕蝗易以粟備史

蝗死不賀

祥符九年飛蝗過京城上詣玉清宮灵感塔焚香祈禱禁宮城
音樂三日先是上出死蝗示大臣翌日執政有袖死蝗以進
者請示於朝率百官賀王旦曰蝗出於災弭幸也又何賀焉
固不可乃止於是二府方奏事飛蝗蔽天。上曰使百官方賀
而蝗若此豈不為天下笑耶。

飛蝗墮水

趙抃守青州時山東旱有蝗自青齊及境遇風退飛墮水而尽
言行錄

古今文集

文前五已

十九

古詩

答朱案捕蝗詩

歐陽永叔

捕蝗之術世所非欲究此語具於誰或云豐凶歲有數天孽未
可人力支或言蝗多不易捕驅民入野踐其畦因之姦吏恣貪
擾戶到頭斂无一遺蝗災食苗民自苦吏虐民而皆被之吾嗟
此語祇知一不究其本論其皮驅雖不及勝養患昔人固已決
不疑秉蠹投火况舊法古之去惡猶如斯既多而捕誠未易其
失安在常由遲訖。最說子孫衆為腹所孕多蛄蚘始生朝飯
暮已頃化一為百无根涯口含鋒刃疾風雨毒腸不滿疑常飢
高原下隄不知數進退整若隨全輩嗟茲羽孽物共惡不知造
化其誰尸大凡万事悉如此禍當早絕防其微蠅頭出土不急
捕羽翼已就功誰施只驚群飛自天下不究生子由山陔官書
立法空太峻吏愚畏罰反自欺蓋藏十不敢申一上心雖惻何

由知不如寬法擇良令告蝗不隱捕以時今苗因捕雖踐死明
歲猶免為蠧災吾嘗捕蝗見其事較以利害曾深思官錢二十
買一斗示以明信民爭馳歛微成衆在人力頃刻露積如京坻
不知孽虫雖甚衆嫉惡苟統無難為往時姚崇用此議誠哉賢
相得所宜因吟君贈廣其說為我持之告採詩

詩刺荆公

荆公罷相出鎮金陵時飛蝗自北而南江東諸郡皆有之百官
餞荆公於城外劉貢父後至追之不及見其行榻上有一書屏
因書一絕以寄云青苗助役兩妨農天下嗷二怨相公惟有蝗
虫偏感德又隨公拂過江東伯宅編

荒歲

卷之五

二十

羣書要語

一穀不升謂之歉二穀不升謂之飢三穀不升謂
之饑四穀不升謂之荒五穀不升謂之大侵大侵
之禮不食不蕪味臺榭不塗弛侯迎道不除百官脩而不制鬼
神禱而不祀公梁以荒政十二聚萬民一曰散貨利二曰薄征
三曰緩刑四曰弛力五曰舍禁六曰去幾七曰省禮八曰殺哀
九曰蓄樂十曰多婚十一曰索鬼神十二曰除盜賊周禮穀不
熟為饑蔬不熟為饑果不熟為荒仍饑為荐亦雅民无菜茹王
制野有餓莩孟振廩勸分左浹邑易子而食折骸以爨宣十五
嗷二薰人聚泣田畝德宗實錄

詩句民貧更勸分山谷

古今事實

后稷濟飢

稷思天下之飢者猶己飢之

矯詔開會 見火外門

歲荒禁酒

蜀大旱先主禁酒有酸具並坐之詳見禁賭門唐初無酒禁乾元元年京師酒貴肅宗以稟食方岳乃禁京城酤酒期以麥熟如初二年飢饉禁酤

餉錢賑飢

劉凝之傳荆州年飢衡陽王義季慮凝之餒餉錢十萬凝之大喜將錢至市門熱飢者悉分之

一尉賑飢

唐貞半千為武陽尉歲旱勸令發倉振民令不從及令滿州半千悉發之下賴以濟太守怒囚于獄會薛元超持節渡河諫太守曰君有民不能恤使惠出一尉尚何罪釋之

賑濟節里

事五

廿八

唐張方福為涇州刺史魏州飢父子相食方福曰魏州吾鄉里安忍其困令兒子將米百車饑之

趙公振飢

熙寧九年夏旱越州趙公抃前民之未飢為書問屬縣所被飢者二萬一千九百餘人公憫富人所輸及僧道食之羨者得粟四萬八千餘石又為之出官粟得五萬二千餘石或給或糴又飢民完城四千一百丈南豐作救苗記

范公振飢

景祐二年吳中大飢范仲淹鎮浙西發粟募民給餉為術甚備監司奏勸公於杭州不恤荒公乃自為條叙所以宴游及興造皆欲以有餘之財以惠貧者貿易飲食工技服力之人仰食於公私者日無慮萬數荒政之施莫此為大筆談

蘇公振飢

杭州大旱蘇軾請于朝免本路上供米三之一故米不翔貴復得賜度牒百易米以救飢者又立病坊作饘粥藥劑遣吏挾醫分坊治病活者甚衆

不增米價

趙清獻知越州兩浙旱蝗米價踊貴餓死者十五六諸州皆榜衢路立賞禁人增米價公獨榜衢路令有米者任增價粟之於是諸州米商輻湊詣越米價更賤民無飢死者記聞

區處流民

富公弼知鄆州自鄆移青會河朔大水民流京東擇所部豐稔者三州勸民出粟得十五萬斛益以官廩隨所在貯之得公私廬舍十餘萬間散處其人以便薪水山林河渡之利有可取以爲生者聽流民取之其主不得禁凡活五十萬人募而爲兵者又萬餘人上聞之即拜礼部侍郎公曰救苗守臣職也許不受前此救災者皆聚民城郭中羹粥食之聚爲疾疫或待次數日不食得粥皆僵亦名爲救之而實殺之自公立法簡便天下傳以爲法神道碑

爲糜振飢

陳文惠公堯佐知壽州遭歲大飢公自出米爲糜以食餓者吏民以公故皆爭出米其活數萬人公曰吾豈以是私惠耶蓋以令率人不若身先而使其從之樂也神道碑

特寬鹽禁

張忠定公諱知杭州是時歲飢民冒禁販鹽捕獲者數百人公悉寬其罰官屬執言不可公曰錢塘十萬家餓殍如此若監禁益嚴則聚而爲盜患益甚矣俟秋成敢爾當痛以法繩之境內卒以無擾神道碑

薪米互易

吳尊洛明道末天下旱蝗遵路知通州東民未飢募富者得錢
幾萬貫分遣衙校航海采米於蘇秀使物價不增又使民採新
藟官為收買以為直采官米至冬大雪取以元價易新藟与民
官不傷財民且蒙利厚德錄

不佞奏請

范公身夫知夔州餓李滿路官无穀以賑恤公欲發常平封椿
粟發濟之州郡皆欲俟奏請得旨而後散公曰人七日不食即
死何可待報諸公但勿預吾寧獨坐罪言行錄

夢黃承事

張忠定公諫在成都府嘗夜夢謁紫府真君接語未久吏忽報
請到西門黃憲濟承事以幅巾道服而趨真君降階接之禮頗
隆且揖張公坐承事之下詢顧詳欵似有欵嘆之意公翌旦
即遣典客詣西門請黃承事者戒令具常所衣服來比至果如

文五

九三

夢中所見公即以所夢告之問平日有何陰德蒙真君厚遇如
此且居某之上座耶燕濟云无他長惟每歲遇未麥熟時以錢
三萬緡收采至明年未麥未熟小民艱食之際價直不增升斗
亦无高下在我者初无所損而小民得濟所急公曰此承事所
以坐某之上也公某公堂二吏掖之使喘受四拜黃公後裔蕃
衍至今在仕路者比比青紫厚德錄

振飢無術

王荆公參政方得君統意於政事多不待奏者淮浙大飢人相
食朝堂督安撫監司賑濟李溥為發運使移檄郡縣以厚朴炒
且為屑開飢民胃口多造紙襖以衣貧民榜勸諭富民施錢以
種福田或謂曰東南之民胃口既開又得紙襖為衣兼得福田
吾之不須慮也監司大慙臺章聞上及行降黜聞見別錄

建社倉

乾道間朱文公作社倉於建使貧民歲以中夏受粟於倉冬則加息計二以償歲小不收則弛其息之半大侵則尽弛之期以數年子什其母則惠足以廣而息遂捐以予民行之累年人以爲便社倉記

賑濟出心

或言辛幼安帥湖南賑濟榜文祇用八字曰劫禾者斬閉菜者配先生曰這便見他有才此八字做兩榜便亂道又曰要之只是粗法朱語錄

古今文集

雜著

辭免賑濟有勞進職直秘閣劄子 朱元晦

右某準九月五日尚書省劄子備坐某前狀所乞寢罷新除直秘閣恩命事奉 聖旨不許辭免者某仰戴聖恩不勝感激雖

未敢即日祇受謹已望闕稱謝訖但其狀內所稱某雖至愚於此有不能安者正爲南康軍保明勸諭到稅戶張世亨獻米五千石賑濟依格合補承節郎進士張邦猷二米五千石賑濟依格合補迪功郎待補國學生黃澄獻米五千石賑濟依格合補迪功郎稅戶劉師輿獻米四千石依格合補承信郎一節未蒙戶部依格放行恩賞乞賜敷奏施行今來所準省劄內却刪去此項事理某切恐區區愚昧迫切之誠未得仰聞天聽其合推賞各人依舊未得露被聖恩則某於義亦難祇受又况目今諸路水旱廣闊公家所積已經發散所餘无幾全賴富民獻米賑恤若見朝廷施行如此誰肯應募助國救民兼其見蒙改除提舉浙東常平公事當此凶歲專以救荒爲職若此所乞依格推賞不蒙施行不惟失言於南康舊治亦无面目可見浙東之民將來必致誤事上貽仁聖膏肓之憂某雖力死不足塞責欲望

朝廷詳酌特賜敷奏詳其前狀所陳將南康所奏稅立張世亨等各與照應元格早賜補授文武官資則上件恩命不必加於其身而聖朝綜覈之政修於上遠近觀聽有所激勸於下矣謹再具狀申尚書省伏候指揮

採菑此

鄭毅夫

朝携一筐出暮携一筐歸十指欲流血且急眼前飢官倉豈無粟粒粒藏珠璣一粒不出倉倉中群鼠肥

糶官粟有感

張文潛

持錢糶官粟日夕擁公門官價雖不高官倉常苦貧兼井閉困廩一粒不肯分伺待官粟空騰價邀吾民坐視既不可禁之亦紛紛擾擾田畝中鼓腹才幾人我欲究其原宏闢未易陳哀哉天地間生民常苦辛

